

**Sakkutuujusussaaneq pillugu inatsisip allanngorneratigut inatsisit aalajangersimasut
Kalaallit Nunaannut atuutilernissaat pillugit kunngip peqqussutaatigut
atuutilersinneqarnissaa Namminersorlutik Oqartussat akuersaarsinissaat pillugu
Inatsisartut aalajangiiffigisassaat**
Nunanut Allanut Sillimaniarnermullu Naalakkersuisumit saqqummiunneqartoq

Pillugu

Nunanut Allanut Sillimaniarnermullu Ataatsimiititaliap

siunnersuutip aappassaaneerpeqarneranut

ILASSUTITUT ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Aleqa Hammond, Nunatta Qitornai, siulittaasoq
Inatsisartunut ilaasortaq Múte B. Egede, Inuit Ataqtigiit, siulittaasup tullia
Inatsisartunut ilaasortaq Jens Danielsen, Siumut
Inatsisartunut ilaasortaq Mala Høy Kuko, Siumut (sinniisoq)
Inatsisartunut ilaasortaq Justus Hansen, Demokraatit
Inatsisartunut ilaasortaq Sofia Geisler, Inuit Ataqtigiit (sinniisoq)
Inatsisartunut ilaasortaq Pele Broberg, Parti Naleraq

UKA 2020-imi ulloq 29. oktober 2020 aappassaaneerinninnerup kingorna ataatsimiititaliap siunnersuut suliaraa.

1. Siunnersuutip imarisaa siunertaalu

Siunnersuummi allannguutissat marluusut ataatsimiititaliap naqissuserusuppaa:

1. Taaguut ‘innuttaasunik illersuineq’-mik atuinermiit ‘annaassiniarmi upalungaarsimaneq’-mik atuinermut allannguut.
2. Sakkutuujusussaanginnerup sivitsornera, sakkutuujusussat ilaat ulloq 1. januar 2010 sioqqullugu sakkutuungoqqusaasimasut, maanna sakkutuujusussaataajunnaarput.

2. Siunnersuutip Inatsisartunit aappassaaneerpeqarnera

Siunnersuutip inatsisartunit aappassaaneerpeqarnerani, Nunanut Allanut tunngasutigit naalakkersuinikkut ingerlatsineq pillugu nassuiaatip naqqiutaani imm. 14-imi allassimasut

pissutsit arlallit nalorniffigineqalerput. Sakkutuujusussaanermut taakku tunngassuteqarput siunnersuutillu matuma allannguutaanut tunngassuteqaratik.

3. Ataatsimiititaliap siunnersuummik suliarinninnera

Issittumi eqqissineq, issittoq sakkulersorfiunngitsoq suleqatigiinnerlu Ilulissani isumaqatigiissummi anguniagassatut siunniunneqartut ataatsimiititaliap sulinerani qitiulluinnarneri ataatsimiititaliamit naqissuserneqarput. Isumaqatigiinniarnikkut aaqqiagiinngissutsit qaangerneqartarnissaannut pisussaaffeqarneq aamma issittumi nunat akornanni patajaatsumik suleqatigiinnissaq ullumikkut siunissamilu issittumi sinaakkutissaapput.

Nunanut Allanut Sillimaniarnermullu tunngasuni peqqissaartumik suliaqarnissap kissaatigineqarnera ataatsimiititaliamit paasilluarneqarpoq. Nunatsinnik assigiinngitsutigut inatsiseqarnikkut sunniutitik Naalackersuinikkut annertuumik salliutitsinissaq pingaaruteqarpoq.

Siunnersuutit paasilluarneqarsinnaasumik imaqarneri pingaartillugit isumaliutissiisarnermi ataatsimiititaliap anguniartarjaa. Tamanna tunngavigalugu siunnersuutip aappassaaneerneqarneranut nutaamik inassuteqartoqarnissaa ataatsimiititaliamit pisariaqarsorinanngilaq.


4. Ataatsimiititaliap inassuteqaatai

Inatsisissatut siunnersuut akuersissutigineqassasoq ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Aleqa Hammond
Siulittaasoq




Múte B. Egede
Siulittaasup tullia




Mala Høy Kuko



Justus Hansen



Jens Danielsen



Pele Broberg



Sofia Geisler